
Nunatsinni Nakorsaaneqarfik

Maalaarutit taarsiiffigitinnissamullu qinnuteqaatit pillugit ukiumoortumik nalunaarusiaq
2025

Imarisai

Aallaqqaasiut	2
Maalaarutit taarsiiffigitinnissamullu qinnuteqaatit ineriartornerat	3
Maalaarutit taarsiiffigitinnissamullu qinnuteqaatit nakorsartiffinnut agguataarneqarnerat.....	5
Maalaarutit taarsiiffigitinnissamullu qinnuteqaatit killiffiat.....	6
Peqqinnissakkut sullinneqarneq pillugu maalaarutit	7
Kiffartuussineq pillugu maalaarutit	9
Napparsimasut maalaaruteqarsinnaaneratt taarsiiffigineqarsinnaanerallu pillugit inatsit nutaaq.....	10
Inerniliineq	11

Aallaqqaasiut

Nunatsinni Nakorsaaneqarfiup maalaarutitik taarsiiffigitinnissamullu qinnuteqaatinik suliaqartarnera, Peqqinnissaqarfiup iluani napparsimasut maalaaruteqarsinnaanerit taarsiiffigineqarsinnaanerallu pillugit Inatsisartut inatsisaanni (maalaaruteqarsinnaaneq taarsiiffigitissinnaanerlu pillugit inatsit), kingullermik inatsimmi 14. februar 2025-imeersumi allannguuteqartinneqartumi maleruagassiugaavoq.

Pisimasuni nakorsartinnernilu 14. februar 2025 sioqqullugu pisuni maleruagassat siornatigut atuuttut suli atuupput. Taamaalillutik Nunatsinni Nakorsaaneqarfimmit maalaarutit taarsiiffigitinnissamullu qinnuteqaatit, nakorsartinnerup imal. pisimasup maalaarutigineqartup qanga pisimaneq apeqqutaatillugu, maalaaruteqarsinnaaneq taarsiiffigitissinnaanerlu pillugit inatsimmi maleruagassat siulii naapertorlugit suliarineqarput. Sulianik ingerlatsinerlut atallugu, suliani ataasiakkaani maleruagassat suut naapertorneqarnissaannik naliliisoqartarpoq.

Peqqinnissaqarfik pillugu maalaarutit kiisalu peqqinnissakkut sullinneqarnermut atallugu ajoqusernertut taarsiiffigitinnissamut qinnuteqaatit, Nunatsinni Nakorsaaneqarfimmit tiguneqartarput. Maalaarutit pingaarnertut marlunnut immikkoortiterneqartarput: Peqqinnissakkut sullinneqarneq pillugu maalaarutit kiffartuussinerlu pillugu maalaarutit. Peqqinnissakkut sullinneqarneq pillugu maalaarutit napparsimasut kukkusumik imal amigaatilimmik nakorsarneqarsorinerannut/misissorneqarnerannut, nappaammik suussusersiniaanermut, malitseqartitsinerlut imal. paasissutissiinerlut, nakorsartinnerup ingerlaneranut imal. qanoq kinguneqarneranut sunniuteqarsimasinnaasunut, tunngassuteqarput. Maalaarutit kiffartuussinerlut tunngasut ilaatigut utaqqinerlut, attaveqatigiinnerlut, pissusilersornerlut, allaffissornikkut ingerlatsinerlut kiisalu nakorsartiffinni periarfissanut tunngassuteqarput.

Taakku saniatigut Nunatsinni Nakorsaaneqarfik napparsimasunit imal. toqukkut qimataasunit, peqqinnissakkut sullinneqarnerup kingunerisaanik ajoquserneqarsimasorisunit taarsiiffigitinnissamut qinnuteqaatinik tigusaqartarpoq. Tamatuma peqatigisaanik taarsiiffigitinnissamut qinnuteqaatit, maalaaruteqartoqarnera apeqqutaatinnagu suliarineqarsinnaapput, taarsiiffigitinnissamullu piumasaqaatit inatsit naapertuuttoq tunngavigalugu eqquutsinneqarnerannut naliliinerlut tunngassuteqarlutik.

Ukiuoorlutik nalunaarusiaq maalaarutitut taarsiiffigitinnissamullu qinnuteqaatitut, Nunatsinni Nakorsaaneqarfimmit 2021-imiit 2025-imut tiguneqarlutillu suliarineqartunut, ataatsimut takussutissiivoq.

Maalaarutit taarsiiffigitinnissamullu qinnuteqaatit 2021–2025

- Nunatsinni Nakorsaaneqarfimmit maalaarutit taarsiiffigitinnissamullu qinnuteqaatit ukiut kingulliit tallimat ingerlanerini amerlipput.
- Maalaarutit amerlanersaat peqqinnissakkut sullinneqarnermut tunngassuteqarput, kiffartuussinerlut taarsiiffigitinnissamullu qinnuteqaatit ikinneqarlutik.
- Maalaarutit taarsiiffigitinnissamullu qinnuteqaatit Peqqinnissaqarfiup immikkoortuutit tamanut tunngassuteqarput, nakorsartiffinnili annerusuni takussaaneqarlutik.
- Peqqinnissakkut sullinneqarneq pillugu maalaarutit quliugaangata ataatsip missaat isornartorsiutinerlut kinguneqartarput. Isornartorsiutineq nakorsartiffinnut assigiinngitsunillu ilinniagalinnut arlalinnut agguataarsimavoq.
- Maalaaruteqarsinnaaneq taarsiiffigitissinnaanerlu pillugit inatsit nutaaq innuttaasunut nutaanik - ilaatigut oqaloqatigiissinnaanermik maalaarutillu taarsiiffigitissinnaanerillu ersarissumik avissaartinneqarnissaannut periarfissiivoq.

Maalaarutit taarsiiffigitinnissamullu qinnuteqaatit ineriartornerat


Ukiut kingulliit tallimat ingerlanerini maalaarutinit taarsiiffigitinnissamullu qinnuteqaatinik naatsorsuineq nassiussisarnermik nalunaarsuisarnermillu allannguinnermit isigineqassaaq.

2025-imi marsi qaammat tikillugu maalaaruteqarnermi immersugassaq ataatsimoortoq atorineqarpoq, taanna atorlugu innuttaasut peqqinnissakkut sullinneqarnermut kiffartuussinermullu tunngasunik maalaaruteqarsinnaasimapput saniatigullu taarsiiffigitinnissamut qinnuteqarsinnaallutik. Tamatuma kingunerisaanik, nassiussaq ataaseq maalaarutinit assigiinngitsunik aamma/imal. taarsiiffigitinnissamut qinnuteqaammik imaqsinnaammat, maalaarutit tiguneqartut, maalaarutit nalunaarsukkat katinnerinit ikinnerupput.

Taamaammat maalaaruteqarnermi immersugassaq ataaseq, peqqinnissakkut sullinneqarneq pillugu maalaarutit, kiffartuussineq pillugu maalaarutit taarsiiffigitinnissamullu qinnuteqaatit nalunaarsimasinnaasarpog.

Skemat immersugassat -peqqinnissakkut sullinneqarneq kiffartuussinerlu pillugit maalaarutit taarsiiffigitinnissamullu qinnuteqarnermut immikkoortinneqarnerisigut- saaffiginissutit tunngaviumik immikkut tamarmik nalunaarsorneqartalerput. Innuttaasulli ataasiakkaat, immersugassat pisoqqat atorlugit saaffiginittarnerat, nassiussaq ataatsip sulianik assigiinngitsunik arlalinnik imaqsinnaaneramik nassataqsinnaavoq.

Maalaarutit taarsiiffigitinnissamullu qinnuteqaatit tiguneqartut piffissami pineqartumi ineriartornerat, takussutissiami 1-imi takutinneqarpoq. Ukiumiit ukiumut allanngorarsinnaasaraluaq, ukiut ingerlanerini suliaat ataatsimut katillugit nalinginnaasumik amerlisimanerat, takussutissiami takutinneqarpoq.



Takussutissiaq 1. 2021-2025 maalaarutit taarsiiffigitinnissamullu qinnuteqaatit tiguneqartut amerlassutsimikkut ineriartornerat

Piffissap pineqartup ingerlanerani maalaarutit tiguneqartut amerlassusaat, suliat Nunatsinni Nakorsaaneqarfimmi sulianik ingerlatsinernut ilaasut ataatsimut annertussusaannut naleqqiullugit takutitsinikkut, ineriartorneq tabelimi 1-imi sukumiinerusumik takutinneqarpoq.


Tabelimi takuneqarsinnaasut, nassiussaq ataaseq immikkoortunik arlalinnik suliaartaqarsinnaammat, maalaarutit taarsiiffigitinnissamullu qinnuteqaatit suliarineqartut, maalaarutit tiguneqartut ikinnerupput.

Amerlassusaat	2021	2022	2023	2024	2025
Tiguneqartut	119	195	228	212	270
Taarsiiffigitinnissamut qinnuteqaatit	30	53	63	63	89
Kiffartuussineq pillugu maalaarutit	49	76	102	78	73
Peqqinnissakkut sullinneqarneq pillugu maalaarutit	70	128	151	135	157
	149	257	316	276	319

Tabeli 1 Maalaarutit taarsiiffigitinnissamullu qinnuteqaatit suliat suunerinut agguataakkat ineriartornerat. Nassiussaag ataaseq suliatut arlalittut nalunaarneqarsinnaavoq.

Maalaarutit taarsiiffigitinnissamullu qinnuteqaatit procentinngorlugit piffissami pineqartumi suliat suunerannut agguataarneqarnerat, takussutissiami 2-mi takutinneqarpoq.

2025-imi taarsiiffigitinnissamut qinnuteqaatit ukiut siuliinut sanilliullugit amerlisimanerat, peqqinnissakkulli sullinneqarneq pillugu maalaarutit suliat suli amerlanersarigaat, takussutissiami takutinneqarpoq.



Takussutissiaq 2 Maalaarutit taarsiiffigitinnissamullu qinnuteqaatit suliat suunerannut procentinngorlugit agguataarneqarnerat.

Maalaarutit taarsiiffigitinnissamullu qinnuteqaatit nakorsartiffinnut agguataarneqarnerat

Maalaarutit taarsiiffigitinnissamullu qinnuteqaatit nuna tamakkerlugu nakorsartiffinnut tunngassuteqarput Peqqinnisaqarfiullu immikkoortui assigiinngitsut akimorlugit agguataarneqarlutik, tabeli 2 takuuk.


	2021	2022	2023	2024	2025
Aappilattoq	0	0	1	0	0
Aasiaat	15	23	17	15	14
Attu	1	0	0	0	0
Alluitsup Paa	0	0	1	0	0
DIH	17	26	48	38	91
DIS	19	39	42	27	16
Danmark	3	4	3	5	0
Iginniarfik	0	0	0	0	1
Ikerasak	1	0	0	0	0
Ikerasaarsuk	0	1	0	0	0
Ilimanaq	0	0	0	0	1
Ilulissat	7	19	11	23	13
Ittoqqortoormiit	1	0	0	0	1
Kangerlussuaq	2	1	1	1	1
Kapisillit	0	1	0	0	16
Kullorsuaq	0	1	2	0	0
Kulusuk	1	1	0	0	0
Maniitsoq	3	7	6	9	16
Nanortalik	4	2	1	2	0
Narsaq	6	6	4	4	5
Paamiut	2	8	5	1	4
Qaanaaq	1	1	2	3	2
Qaqortoq	0	6	14	7	13
Qasigianniguit	1	7	4	3	0
Qeqertat	0	1	0	0	0
Qeqertarsuaq	1	0	3	3	5
Saattut	0	0	1	0	0
Saqqaa	0	1	0	0	0
Sisimiut	9	12	20	11	8
Tasiilaq	0	6	5	6	3
Tasiusaq	0	1	0	0	1
Upernavik	1	4	9	11	11
Uummannaq	11	10	6	4	2
Aasiaat	0	0	1	0	0
Ilulissani kigutilerivik	2	0	1	0	1
Kangaatsiami kigutilerivik	0	0	0	0	1
Nuummi kigutilerivik	2	5	1	4	3
Nystrup-ip kigutilerivia	1	0	0	1	0
Qaqortumi kigutilerivik	0	0	0	1	2
Sisimiuni kigutilerivik	0	0	0	1	0

Tabeli 2 Maalaarutit taarsiiffigitinnissamullu qinnuteqaatit nakorsartiffinnut agguataarneqarnerat. Kisitsisit maalaarutitut taarsiiffigitinnissamullu qinnuteqaatitut tunngassuteqarput nakorsartiffillu saaffiginissamut tunngasoq aallaavigalugu naatsorsugaallutik.

Maalaarutit taarsiiffigitinnissamullu qinnuteqaatit ilaat annertuut, Dronning Ingridip Napparsimmavissuanut Dronning Ingridillu Peqqissaavianut tunngassuteqarput. Taakku saniatigut nuna tamakkerlugu Peqqinnissaqarfiup immikkoortuini illoqarfinnit, ilaatigut Aasianni, Ilulissani, Sisimiuni Qaqortumilu qitiusumik napparsimmavinnit suliasaqartarpoq.

Qitiusumik napparsimmaviit ataatsimut isigalugit suliasat taakkunaneersut annertoqaat. Tamatuma saniatigut suliat ilaat peqqissaavinni, illoqarfinni minnerni peqqinnissakkut sullissinermik ingerlatsiviusuni pisunut tunngasuupput. Maalaarutit taarsiiffigitinnissamullu qinnuteqaatit nunaqarfinni nakorsiartitsivinnut tunngasut nakorsaavinnut allanut sanilliullugit killegarput.

Maalaarutit taarsiiffigitinnissamullu qinnuteqaatit kigutilerivinni pisunut tunngasut, taamatuttaaq suliat ataatsimut katinernerini ikittunnguupput. (takussutissiaq 3).



Takussutissiaq 3 Maalaarutit taarsiiffigitinnissamullu qinnuteqaatit Peqqinnissaqarfiup immikkoortuinut agguataarneqarnerat

Maalaarutit taarsiiffigitinnissamullu qinnuteqaatit killiffiat

Maalaarutit taarsiiffigitinnissamullu qinnuteqaatit, suliap ingerlanneqarnerani killiffinni assigiinngitsuniissinnaapput. Sulianik ingerlatsineq agguaqatigiissillugu ukiut marluk missaannik sivilissuseqarpoq, sulialli suunera paasileroruminaanneralu apeqqutaallutik, suliat ataasiakkaat sivilissunerumik ingerlanneqarsinnaasarpup, allalli qaammatialuit ingerlanerini naammassisinnaasarlutik.

Tulliuttumi, suliat sumiiffiat tamatumunngalu atatillugu naammassineqarsimanersut, suliaq ingerlanneqalereersorq imal. suli suliarineqalinnginnerorq ataatsimut takussutissiissutaappup. Maalaarutit taarsiiffigitinnissamullu qinnuteqaatit killiffiat tabelimi 3-mi takuneqarsinnaavoq.

Suliarineqanngitsut tassaanerupput kalaallisuumiit danskisuumut nutserneqarnissaat, imal. akuersissutit pisariallit nassiunneqarnissaat utaqqisat.

	2021	2022	2023	2024	2025
Naammassiat	119	193	224	177	144
Suliarineqanngitsut	0	0	0	0	30
Suliat ingerlanneqartut	0	2	4	35	96

Tabeli 3 2021-imiit 2025-imut maalaarutit tarsiiffigitinnissamullu qinnuteqaatit suliat killiffiit agguataarneqarnerat

Peqqinnissakkut sullinneqarneq pillugu maalaarutit

Peqqinnissakkut sullinneqarneq pillugu maalaarutit misissortinnermut, nakorsartinnermut, nappaammik suussusersiniaanermut, malitseqartitsinnermut imal. paasissutissiinnermut, peqqinnissakkut sullissinerup pitsaassutsimut ilinniagaqassutsikkut akuerisaalluni atuuttumut napparsimasullu inatsisitigut inissisimanerannut atatillugu maleruagassanut naapertuunneranik apeqquusiinnermut tunngassuteqarput.

Inatsisit atuuttut naapertorlugit, peqqinnissakkut sullinneqarneq pillugu maalaarutit, Nunatsinni Nakorsaaneqarfimmut nassiunneqartarput. Suliaq maalaaruteqarsinnaanermut taarsiiffigitissinnaanermullu inatsimmut ilaasoq naliliivigisinnaajumallugu, piffissap maalaaruteqarfiusinnaasup iluani tunniunneqarsimanersoq, inatsisip atuuffianiinnersoq, suliallu ingerlateqqinnissaanut paasissutissat pisariallit pissarsiarineqarsimanersut ilanngullugit, Nunatsinni Nakorsaaneqarfiup maalaarut misissoqqaartarpaa.

Suliap ingerlanneqarnissaanut piareersaanermut atatillugu, nakorsartiffinniit maalaarutigineqartumut tunngasuniit allattugaatinik oqaaseqaatinillu naapertuuttunik pisariaqartitanik, Nunatsinni Nakorsaaneqarfik pissarsiniartarpoq, maalaartullu akuersisimanissaanik qulakkeeraluni.

Suliaq naammattumik qulaajaavigineqareerpat, maalaarut Nunatsinni Nakorsaaneqarfimmiit aalajangiisartunut Danmarkimi Napparsimasut Maalaarutaannut Aqutsisoqarfimmut, nassiussineq pillugu allakkat suliamullu tunngatillugu paasissutissat katersorneqartut ilanngullugit ingerlateqqinneqassaaq. Taamalilluni Nunatsinni Nakorsaaneqarfik peqqinnissakkut sullinneqarneq pillugu maalaarutitik nammineq aalajangiisannigilaq, sulialli piareersarnissaa ataqatigiissaarinnissarlu isumagisarlugi.

Tamatuma kingorna Napparsimasut Maalaarutaannut Aqutsisoqarfiup suliaq ingerlatissavaa peqqinnissakkullu sullinneqarneq, ilinniagaqassuseq tunngavigalugu sullissinnermi pitsaassuseq nalinginnaasumik akuerisaasoq naapertorlugu eqquutsinneqarsimanersoq, imal. napparsimasut inatsisitigut inissisimanerat pillugu maleruagassanut akerliusumik iliortoqarsimanersoq aalajangiivigalugu. Aalajangiineq ilaatigut isornartorsiuinermik, isornartorsiuinnginnermik imal. maalaarutip itigartitsissutaaneranik kinguneqarsinnaavoq.

Peqqinnissakkut sullinneqarneq pillugu maalaarutit piffissami pineqartumi killiffiit qanorlu aalajangiivigineqarnerannut agguataarneqarnerat, tabelimi 4-mi takutinneqarpoq. Tabilimi takutinneqartut ilaatigut tassaapput maalaarutit itigartinneqartut, pisoqalisimasut imal. maalaartumit taamaatinneqartut, kiisalu maalaarutit isornartorsiuinermik imal. isornartorsiuinnginnermik kinguneqartut.

Taakku saniatigut takuneqarsinnaapput maalaarutit suli naammassinngitsut imal. suli aallartinneqanngitsut. Maalaarutit suliaralugit aallartitat, tasaanerupput nutaajunerit, Nunatsinni Nakorsaaneqarfimmi Napparsimasullu Maalaarutaannut Aqutsisoqarfimmi suliaralugit suli naammassineqanngitsut.

Suliarineqanngitsumiittut tassaapput suliat allaffissornikkut ingerlatsinermi sulianut tunngasunik utaqqisut, ilaatigut ass. nutserneqartut imal. akuersisummik pissarsiniarfusut.

Maalaarutit isornartorsiuinermik imal isornartorsiuinnginnermik kinguneqartut, aalajangiisartut ilinniagaqassutsikkut naliliinerisa inerneranik takutitsipput.

Peqqinnissakkut sullinneqarneq pillugu maalaarutit	2021	2022	2023	2024	2025
Itigartinneqartut	0%	10%	7%	4%	2%
Pisoqalisut	13%	16%	18%	14%	15%
Taamaatinneqartut	0%	0%	0%	0%	6%
Unitsitat	29%	12%	14%	28%	12%
Isornartorsiuinertaqanngitsut	50%	47%	51%	25%	1%
Isornartorsiuinertallit	9%	14%	7%	3%	1%
Suli ingerlanneqartut	0%	2%	3%	26%	54%
Suliarineqanngitsut	0%	0%	0%	0%	10%

Tabeli 4 2021-imiit 2025-imut peqqinnissakkut sullinneqarneq pillugu maalaarutit, suliat killiffii tunngavigalugit agguataarneqarnerat

Peqqinnissakkut sullinneqarneq pillugu maalaarutit 10%-iisa missaat isornartorsiuinermik kinguneqarput. Isornartorsiuinermi, peqqinnissakkut sullissinerup ilinniagaqassuseq tunngavigalugu nakorsarneqarneq pitsaassutsimut nalinginnaasumik akuerisaasumut naapertuutinngitsoq imal. napparsimasut inatsisitigut inissisimanerannut akkerliunersoq, aalajangiisartut naliliivigisimassavaat.

Peqqinnissaqarfiup immikkoortui assigiinngitsut akimorlugit isornartorsiusoqartarnera, tabelimi 5-imi takutinneqarpoq. Peqqissaavinni- Dronning Ingridip Peqqissaavia ilanngullugu- isornartorsiuinerit amerlanerungaatsiarnerat maluginiagassaavoq.

Isornartorsiuineq/Peqqinnissaqarfiup immikkoortui	2021	2022	2023	2024	2025
Dronning Ingridip Napparsimmavissua	1	3	1	2	0
Dronning Ingridip Peqqissaavia	0	3	2	1	0
Sinerissami qitiusumik napparsimmavik	1	4	2	1	1
Peqqissaavik	2	6	4	0	0
Nunaqarfimmi nakorsartitsivik	0	1	0	0	0
Kigutilleriveqarfik	2	1	2	0	0

Tabeli 5 2021-imiit 2025-imut peqqinnissakkut sullinneqarneq pillugu maalaarutini isornartorsiuinerit Peqqinnissaqarfiup immikkoortuinut agguataarneqarnerat.

Isornartorsiuinerit ilinniagalinnut agguataarneqarnerat tabelimi 6-imi takutinneqarpoq. Isornartorsiorneqartut pingaartumik tassaapput nakorsat, peqqissaasut kigutit nakorsaallu, ilinniagallilli allat aamma isornartorsiorneqarsinnaasarpot.

Napparsimasut aqqusaartugaanni nakorsaasut arlaliugajuttarmata, maalaarummi ataatsimi peqqinnissakkut sullissisut arlallit isornartorsiorneqarsinnaasernerat maluginiagassaavoq.

Taamaammat isornartorsiuinerni maalaarutigisat maalaarutinit amerlanerusinnaasarpot.

Isornartorsiuneq/ilinniagallit	2021	2022	2023	2024	2025
Nakorsat	7	17	4	2	0
Juumuut	0	0	0	1	0
Peqqissaasut	1	3	8	1	0
Sundhedsassistentit	0	2	0	0	0
Kigutit nakorsaasut	3	1	3	0	0
Aqqusaartukkat	0	0	0	0	1

Tabeli 6 2021-imiit 2025-imut isornartorsiunerit ilinniagalinnut agguataarneqarnerat. Maalaarut ataaseq peqqinnissakkut sullissisut arlallit isornartorsiorneqarnerannik kinguneqarsinnaavoq.

Kiffartuussineq pillugu maalaarutit

Kiffartuussineq pillugu maalaarutit, pissutsinut- ilaatigut attaveqatigiinnermut, utaqqisarnernut, allaffissornikkut ingerlatsinnermut kiisalu Peqqinnissaqarfimmi kiffartuussineq pillugu nalinginnaasumik misigisanut tunngassuteqarput. Maalaarutit peqqinnissakkut sullinneqarnermut tunngassuteqaratik, pissutsinut peqqinnissakkut sullinneqarnissamut neqeroorutinit aqqissuussinnermut ingerlatsinnernullu attuumassuteqartunut tunngassuteqarput.

Inatsit atuuttoq naapertorlugu kiffartuussineq pillugu maalaarutit Nunatsinni Nakorsaaneqarfimmut nassinneqartarput. Tiguneqaraangata Nunatsinni Nakorsaaneqarfimmit nalunaarneqartarput nunatsinnilu Peqqinnissaqarfimmi qullersanut suliarisassangorlugit ingerlateqqinneqartarlutik. Maalaarut kiffartuussinnermut tunngasoq ingerlateqqinneqareeraangat Nunatsinni Nakorsaaneqarfimmi suliaq naammassineqartarpoq.

2021-imiit 2025-imut kiffartuussineq pillugu maalaarutinit suliaqarnermi killiffik tabelimi 7-imi takutinneqarpoq. Naatsorsuinnermi pineqarput kiffartuussineq pillugu maalaarutit Nunatsinni Nakorsaaneqarfimmit tiguneqartut, nalunaarneqartut Peqqinnissaqarfimmullu nangitassangorlugit ingerlateqqinneqartut.

Kiffartuussineq	2021	2022	2023	2024	2025
Naammassissat	49	76	102	78	73
Suliarineqanngitsut	0	0	0	0	0
Suliat aallartitat	0	0	0	0	0

Tabeli 7 2021-imiit 2025-imut kiffartuussineq pillugu maalaarutit suliat killiffiit agguataarneqarnerat

Napparsimasut maalaaruteqarsinnaanerit taarsiiffigineqarsinnaanerallu pillugit inatsit nutaaq

Peqqinnissaqarfiup iluani napparsimasut maalaaruteqarsinnaanerit taarsiiffigineqarsinnaanerallu pillugit Inatsisartut inatsisaata 14. februar 2025 kingullermik allanguuteqartinneqarneragut, inatsit maalaaruteqarsinnaanermut taarsiiffigineqarsinnaanermullu tunngasoq nalimmassarneqarpoq.

Allannguut pingaarutilik tassaavoq peqqinnissakkut sullinneqarneq pillugu maalaarutit peqqinnissakkut sullissisunut ataasiakkaanut tunngajunnaarlutik, maanna aqusaartukkat tamakkerlugit maalaarutit suliarineqartalernerat. Peqqinnissakkut sullissisut ilinniagaqassusaannut tunngasut pisarnertut unioqqutitsisimasinnaanermik misissuinerni maleruagassat naapertorlugit suliarineqartarput, Nunatsinnilu Nakorsaaneqarfimmit naliliivigineqareernikkut Napparsimasut Maalaarutaannik Aalajangiisartunut suliassanngortinneqarsinnaallutik. Inatsimmi nutaami peqqinnissakkut sullinneqarneq pillugu maalaaruteqarnermut atatillugu oqaloqateqarnissamut, kiisalu oqaloqatigeereermermi maalaarummik taamaatitsisinnaanermut napparsimasut pisinnaatinneqarputtaaq.

Tamatuma peqatigisaanik taarsiiffigitittarnermut tunngasoq, ilaatigut maalaarutit taarsiiffigitinnissamullu tunngasut akornanni ersarinnerusumik immikkoortitsinikkut, taarsiiffigitinnissamut tunngasuni maanna Napparsimasut Taarsiiffigitissinnaanerannut Aalajangiisartunik suleqateqarnermik nutaamik pilersitsinikkut pisariinnerulersinneqarpoq.

Tamatuma saniatigut suliat aallartinneqarnerini Nunatsinni Nakorsaaneqarfiup piginnaassai inatsimmi annertusineqarput. Maanna Nunatsinni Nakorsaaneqarfik pisoqalisimaneq pillugu aalajangiisinnaanngorpoq maalaarutinillu imal. taarsiiffigitinnissamut qinnuteqaatinik, inatsimmi toqqammavissat avataanniittutut naliliivigineqartunik itigartitsisinnaanngorluni.

Inatsit nutaaq	Taarsiiffigitinnissamik qinnuteqartut	Kiffartuussineq pillugu maalaarutit	Peqqinnissakkut sullinneqarneq maalaarutit	pillugu
Itigartitat	4	37	2	
Taamaatinneqartut	0	0	9	
Unitsitat	1	0	3	
Suliarineqanngitsut	9	0	8	
Isornartorsiuinertaqanngitsut	0	0	1	
Isornartorsiuinertallit	0	0	1	
Suliat ingerlasut	4	0	36	

Tabeli 4 2025-imi suliat Peqqinnissaqarfiup iluani napparsimasut maalaaruteqarsinnaanerit taarsiiffigineqarsinnaanerallu pillugit Inatsisartut inatsisaat nutaaq naapertorlugu suliat suunerannut killiffiannullu agguataarneqarnerat.

Sulianut inatsit nutaq tunngavigalugu nassiussanut killiffik tabelimi 8-mi takutinneqarpoq.

Taarsiiffigitinnissamut qinnuteqaatini Napparsimasut Taarsiiffigitissinnaanerannut Aalajangiisartut suliat sisamat aalajangiivigisimagaat, tamarmillu itigartinneqarsimanerat takuneqarsinnaavoq. Taakku saniatigut taarsiiffigitinnissamut qinnuteqaatit ataasiakkaat suli suliarineqarput imal. suli aallartinneqaratik.

Peqqinnissakkut sullinneqarneq pillugu maalaarutinut tunngatillugu oqaloqatigeereernerup kingorna maalaarutit qulaaluat taamaatinneqarnerat takuneqarsinnaavoq. Taakku saniatigut peqqinnissakkut sullinneqarneq pillugu maalaarutit marluk itigartinneqarput, taakkunannga ataaseq Danmarkimi nakorsarneqarnermut tunngassuteqarluni, aappaalu tunngavissaqanngivissut itigartinneqarluni.

Inerniliineq

Maalaarutit Taarsiiffigitinnissamullu qinnuteqaatit 2021-imiit 2025-imut amerliartorsimanerat ukiumoortumik nalunaarusiami takutinneqarpoq. Suliat Peqqinnissaqarfimmut tamakkiisumut tunngassuteqarput, kiffartuussinermullu, peqqinnissakkut sullinneqarnermut tarsiiffigitinnissamullu tunngassuteqarlutik.

Napparsimasut maalaaruteqarsinnaanerata taarsiiffigineqarsinnaanerallu pillugit inatsisip nutaap saqummiunneqarnera, inatsisip allanngortinneqarnera sioqqullugu tamatumalu kingorna maalarutini nakorsartinnermut tunngasunik taarsiiffigitinnissamullu qinnuteqaatinik amerlanerulersitseqataasimasinnaavoq. Pisoqalisoornissamut killiliussat atuuttut nassatarisaannik Nunatsinni Nakorsaaneqarfik, ikaarsaarnermi piffissami sivisujaami inatsit pisoq nutaarlun naapertorlugit sulianik ingerlatsisariaqassaaq.

Oqaloqatigiittarnerup atulersinneqarneragut, peqqinnissakkut sullinneqarneq pillugu maalaarutit nutaanerit ilaat, napparsimasup nakorsartiffiullu oqaloqatigiinnerisa kingorna taamaatinneqarput. Oqaloqatigiinnerup-ilaatigut napparsimasut nakorsartinnermut atatillugu misigisaannik naatsorsuutigisaannillu qulaajaqataasinnaanerani maannamut misilittakkat tikkuussipput.

Piffissap ingerlanerani taarsiiffigitinnissamut tunngasut siulliit Napparsimasut Taarsiiffigitissinnaanerannut Aalajangiisartunit aalajangiivigineqarput, tamarmillu itigartinneqarlutik. Inatsisip nutaap sunniutaanik inerniliinissamut sulisiusippallarpog.

Peqqinnissakkulli sullissisut napparsimasullu akornanni pitsaanerusumik attaveqatigiinnerup annertunerusumillu paaseqatigiinnerup, napparsimasut nakorsartinnertik pillugu misigisaannut sunnuteqarsinnaanerini ilaatigullu maalaaruteqarnissamut pisariaqartitsinermik annikillisitsisinnaanerini, misilittakkat takutitsipput.

Paneeraq Noahsen / Lisa Lind Pedersen/Nutserisoq Maybritt Lyng